

大慈視一切 惡親等無異 一切有識類

咸皆知此事 忍辱慈悲力 故能勝一切
爲度衆生故 出世受勤苦 其心常一定
爲衆作利益 智慧力有十 無畏力有四
不共有十八 無量功德藏 如是等無數
希有功德力 如師子無畏 破諸外道法

轉無上梵輪 度脫諸三界

是名爲婆伽婆婆伽婆義無量若廣說則廢

餘事以是故略說

大智度論卷第二

聖二

濡軟
字刪反顛掣尺列
二字音哭也剖反驟崇瘦
呼交哮反
號咷
桃豪
彼碑基音遠
旬嚩伊郁或作喚
二字耶反
哽咽上古益涕淚替利甄音券江願篋苦叶
下於結
頹徒回過陟爪距音
反偃息懶反
一敲苦交
籥音昆昆音鎖蘇果反
反翅出音波皮廓苦
滓側史齧吾結反
音數音迦迦逆鋸丁貫鎧苦亥
銅鉗剛甲糠脫上音憊蒲拜厭鳥參蕃煩舌
上俱八反刷下所劣反蚊文盲標并透反
構古候反構合作聲

大智度論卷第三

聖

龍樹菩薩造 姚秦三藏法師鳩摩羅什譯
釋初品中住王舍城

經住王舍城論問曰何以不直說般若波羅蜜法而說佛住王舍城答曰說方時人令人

心生信故云何名住四種身儀坐卧行住是

名住王舍城又以怖魔軍衆自今弟子歡喜入種種諸禪定故在是中住復次三種住天住梵住聖住六欲天住法是爲天住梵天等乃至非有想非無想天住法是名梵住諸佛辟支佛阿羅漢住法是名聖住是三住法中住聖住法憐愍衆生故住王舍城復次布施持戒善心三事故名天住慈悲喜捨四無量心故名梵住空無相無作是三三昧名聖住聖住法佛於中住復次四種住天住梵住聖住佛住三住如前說佛住者首楞嚴等諸佛無量三昧十力四無所畏十八不共法一切智等種種諸慧及八萬四千法藏度人門如

是等種種諸佛功德是佛所住處佛於中住略說住竟王舍城者問曰如舍婆提迦毗羅波羅柰大城皆有諸王舍何以故獨名此城爲王舍答曰有人言是摩伽陀國王有子一頭兩面四臂時人以爲不祥王即裂其身首棄之曠野羅刹女鬼名闍羅還合其身而乳養之後大成人力能并兼諸國王有大下取諸國王萬八千人置此五山中以大力勢治閻浮提閻浮提人因名此山爲王舍城復次有人言摩伽陀王先所住城城中失火一燒一作如是至七國人疲役王大憂怖集諸智人問其意故有言應易處王即更求住處見此五山周而如城即作宮殿於中止住以是故名王舍城復次往古世時此國有王名婆藪心厭世法出家作仙人是時居家婆羅門與諸出家仙人共論議居家婆羅門言經書云天祀中應殺生啖肉諸出家仙人言不應天祀中殺生啖肉共諭云云諸出家婆羅門言

此有大王出家作仙人汝等信不諸居家婆羅門言信諸出家仙人言我以此人爲證後日當問諸居家婆羅門即以其夜先到婆藪仙人所種種問已語婆藪仙人明日論議汝當助我如是明日論時諸出家仙人問婆藪仙人天祀中應殺生啖肉不婆藪仙人言婆羅門法天祀中應殺生啖肉諸出家仙人言於汝實心云何應殺生啖肉不婆藪仙人言爲天祀故應殺生啖肉此生在天祀中死故得生天上諸出家仙人言汝大不是汝大妄語即唾之言罪人滅去是時婆藪仙人尋陷入地沒踝是初開大罪門故諸出家仙人言汝應實語若故妄語者汝身當陷入地中婆藪仙人言我知爲天故殺羊啖肉無罪即復陷入地至膝如是漸漸稍沒至腰至頸諸出家仙人言汝今妄語得現世報更以實語者雖入地下我能出汝令得免罪尔時婆藪仙人自思惟言我實重人不應兩種語又婆羅門

四圍陀法中種種因緣讚祀天法我一人死當
何足計一心言應天祀中殺生噉肉無罪諸
出家仙人言汝重罪人摧去不用見汝於是
舉身沒地中從是以來乃至今日常用婆藪
仙人王法於天祀中殺羊當下刀時言婆藪
殺汝婆藪之子名曰廣車嗣位爲王後亦獸

世法而後不能出家如是思惟我父先王出
家生入地中若治天下復作大罪我今當何
以自處如是思惟時聞空中聲言汝若行見
難值希有處汝應是中作舍住作是語已便
不復聞聲未經幾時王出田獵見有一鹿走
疾如風王便逐之而不可及遂逐不止百官

聖三

三

金

侍從無能及者轉前見有五山周匝峻固其
地平正生草細更好華遍地種種林木華菓
茂盛溫泉浴池皆悉清淨其地莊嚴處處有
散天華天香聞天妓樂余時乾闢婆伎適見
王來各自還去是處希有未曾所見今我正
當在是中作舍住如是思惟已群臣百官尋

跡而到王告諸臣我前所聞空中聲言汝行
若見希有難值之處汝應是中作舍住我今
見此希有之處我應是中作舍住即捨本城
於此山中住是王初始在是中住從是已後
次第止住是王先起造立宮舍故名王舍城
略說王舍城竟

經者閻崛山中論者閻名鷲嶠名頭問曰何
以名鷲頭山答曰是山頂似鷲王舍城人見
其似鷲故共傳言鷲頭山因名之爲鷲頭山
復次王舍城南尸陀林中多諸死人諸鷲常
來噉之還在山頭時人便名鷲頭山是山五
山中最高大多好林水聖人住處問曰已知耆
闍崛山義佛何以故住王舍城諸佛法普慈
一切如日照萬物無不蒙明如渥祇尼大城
富樓那跋檀大城阿藍車多羅大城弗迦羅
婆多大城如是等大城多人豐樂而不住何
故多住王舍城舍婆提少於波羅奈迦毗羅
婆瞻婆婆毘多拘般禪鳩樓城等雖有住時

多住王舍城舍婆提云何知多住二處見佛
諸經多在二城說少在餘城答曰佛雖大慈
等及以漚祇尼等諸大城是邊國故不住又
彌離車地弊惡人多善根未熟故如偈說

如日光等照 華熟則時開 若華未應敷
則亦不強開 佛亦復如是 等心而說法

善根熟則敷 未熟則不開 以是故世尊
住三種人中 利智善根熟 結使煩惱薄
復次知恩故多住王舍城舍婆提城問曰云
何知恩故多住二城答曰憍薩羅國是佛所
生地如佛答頻婆娑羅王偈說

有妙好國土 在於雪山邊 豐樂多異寶

聖三

四

金

名曰憍薩羅 日種釋諸子 我在是中生

心厭老病死 出家求佛道

又是憍薩羅國主波斯匿王住舍婆提大城
中佛爲法主亦住此城二主應住一處故多
住舍婆提復次是憍薩羅國佛生身地知恩
故多住舍婆提問曰若知恩故多住舍婆提

者迦毗羅婆城近佛生處何不多住答曰佛
諸結盡無復餘習近諸親屬亦無異想然釋
種弟子多未離欲若近親屬則染著心生問
曰何以不護舍婆提弟子而多住舍婆提答
曰迦毗羅婆弟子多佛初還國迦葉兄弟千
比丘本修婆羅門法苦行山間形容憔悴父
王見之以此諸比丘不足光飾世尊即選諸
釋貴人子弟兼人少壯戶遣一人強令出家其
中有善心樂道有不樂者此諸比丘不應令
還本生處舍婆提弟子輩不以是故佛多
住舍婆提不多住迦毗羅婆復次出家法應
不近親屬親屬心著如火如蛇居家婆羅門
子爲學問故尚不應在生處何況出家沙門
復次舍婆提城大迦毗羅婆不尅舍婆提城
九億家是中若少時住者不得度多人以是
故多住復次迦毗羅婆城中佛生處是中人
已久習行善根熟利智慧是中佛少時說法
不須久住度已而去舍婆提人或初習行或

聖三

五

庚

父習行或善根熟或善根未熟或利根或不利根多學種種經書故研心令利入種種邪見網中事種種師屬種種天雜行人多以是故佛住此父如治癱師知癱已熟破出腹與藥而去若癱未熟是則父住塗慰佛亦如是若弟子善根熟教化已更至餘處若可度弟子善根未熟則須父住佛出世間正爲欲度

衆生著涅槃境界安隱樂處是故多住舍婆提不多住迦毗羅婆佛於摩伽陀國尼連禪河側漚樓頻螺聚落得阿耨多羅三藐三菩提成就法身故多住王舍城問曰已知多住王舍城舍婆提因緣於此二城何以多住王舍城答曰以報生地恩故多住舍婆提一切

衆生皆念生地如偈說
一切論議師 自愛所知法 如人念生地雖出家猶諍

以報法身地恩故多住王舍城諸佛皆愛法身如偈說

過去未來現在諸佛皆供養法師敬尊重法身於生身勝故二城中多住王舍城復次以坐禪精舍多故餘處無有如竹園鞞婆羅跋惣薩多般那求呵因陀世羅求呵薩跋惣魂直迦鉢婆羅耆闍崛五山中有五精舍竹園在平地餘國無此多精舍舍婆提一處祇洹精舍更有一處摩伽羅母堂更無第三處波羅柰斯國一處鹿林中精舍名梨師槃陀那毗耶離二處一名摩訶槃二名獮猴池岸樓舍鳩駁彌一處名劬師羅園如是諸國或一處有精舍或空樹林以王舍城多精舍坐禪人所宜故多住此復次是中有富那羅等六者尸利囉多提婆達多阿闍世等是佛怨家不信佛法各懷妬嫉有是人輩故佛多住此譬如毒草生處近邊必有良藥又如偈說譬如師子百獸之王爲小蟲吼爲衆所笑

若在虎狼猛獸之中奮迅大吼智人所可
諸論議師如猛虎在此衆中無所畏

大智慧人多見聞在此衆中最第一

以是大智多聞人皆在王舍城故佛多住王
舍城復次頻婆娑羅王到伽耶祀舍中迎佛

及除結髮千阿羅漢是中佛爲王說法得須
陀洹道即請佛言願佛及僧就我王舍城盡
形壽受衣被飯食卧具醫藥給所當得佛即
受請是故多住王舍城復次閻浮提四方中
東方爲數始以日出故次第南方西方北方東
方之中摩伽陀國最勝摩伽陀國中王舍城最
勝是中有十二億家佛涅槃後阿闍世王以
人民轉少故捨王舍大城其邊更作一小城
廣長一由旬名波羅利弗多羅猶尚於諸城
中最大何況本王舍城復次是中人多聰明
皆廣學多識餘國無此復次佛豫知有人應
得度者待時待處待人乃能得道是釋提桓
因及八萬諸天應在摩伽陀石室中得道是

故佛多住王舍城復次摩伽陀國豐樂乞食
易得餘國不如以三因緣故一者頻婆娑羅
王約勒宮中當作千比丘食二者樹提伽錫
人中生常受天樂又多富貴諸優婆塞三者
阿波羅龍王善心受化作佛弟子除世饑饉
故常降好雨是故國豐如佛涅槃後長老摩
訥迦葉欲集法思惟何國豐樂乞食易得疾
得集法如是思惟已憶王舍城中頻婆娑羅
王約勒常設千比丘食頻婆娑羅王雖死此
法不斷是中食易得易可集法餘處無如是
常供若行乞食時諸外道來共論議若共論
議集法事廢若不共論便言諸沙門不如我
如是思惟擇取最上千阿羅漢將就耆闍崛
山集結經藏如阿含及毗尼中說言毗耶離
國時亦有飢餓如降難陀婆難陀龍王經中說
舍婆提國飢餓餘諸國亦時時有飢餓摩伽
陀國中無是事以是故知摩伽陀國豐樂乞
食易得復次王舍城在山中閑靜餘國精舍

平地故多雜人入出來往易故不閑靜又此山中多精舍諸坐禪人諸聖人皆樂閑靜多得住山佛是聖人坐禪人主是故多住王舍城問曰若住王舍城可爾何以不多住竹園而多住耆闍崛山答曰我已答聖人坐禪人樂閑靜處問曰餘更有四山禪婆羅跋惣等

何以不多住而多在耆闍崛山答曰耆闍崛山於五山中最勝故云何勝耆闍崛山精舍近城而山難上以是故雜人不來近城故乞食不疲以是故佛多在耆闍崛山中不在餘處復次長老摩訶迦葉於耆闍崛山集三法藏可度衆生度竟欲隨佛入涅槃清朝著衣持鉢入王舍城乞食已上耆闍崛山語諸弟子我今日入無餘涅槃如是語已入房結跏趺坐諸無漏禪定自熏身摩訶迦葉諸弟子入王舍城語諸貴人知不尊者摩訶迦葉今日入無餘涅槃諸貴人聞是語皆大愁憂言佛已滅度摩訶迦葉持護佛法今日復欲入無

餘涅槃諸貴人諸比丘晡時皆共集耆闍崛山長老摩訶迦葉晡時從禪起入衆中坐讚說無常說一切有爲法因緣生故無常本無今有已有還無故無常因緣生故無常無常故苦苦故無我無我故有智者不應著我我所若著我我所得無量憂愁苦惱一切世界

聖三

八

長

中心應歎求離欲如是種種說世界中苦開導其心令入涅槃說此語竟即著從佛所得僧伽梨持衣鉢捉杖如金翅鳥現上是虛空四種身儀坐卧行住一身現無量身滿東方世界於無量身還爲一身身上出火身下出水身上出水身下出火南西北方亦如是衆心厭世皆歡喜已於耆闍崛山頭與衣鉢俱作是願言令我身不壞彌勒成佛我是骨身還出以此因緣度衆生如是思惟已直入耆闍崛山石頭中如入軟泥入已山還合後人壽八萬四千歲身長八十尺時彌勒佛出佛身長百六十尺佛面二十四尺圓光十里是

時衆生聞彌勒佛出無量人逐佛出家佛在大衆中初說法時九十九億人得阿羅漢道六通具足第二大會九十六億人得阿羅漢道第三大會九十三億人得阿羅漢道自是已後度無數人尔時人民父後懈怠彌勒佛見衆人如是以足指扣開耆闍崛山是時長老摩訶迦葉骨身著僧伽梨而出禮彌勒足上昇虛空現變如前即於空中滅身而般涅槃尔時彌勒佛諸弟子莊而問言此是何人似人而小身著法衣能作變化彌勒佛言此人是過去釋迦文尼佛弟子名摩訶迦葉行阿蘭若少欲知足行頭陀比丘中第一得六

卷三
九

神通共解脫大阿羅漢彼時人壽百年少出多減以是小身能辦如是大事汝等大身利根云何不作如是功德是時諸弟子皆慚愧發大願心彌勒佛隨衆生心爲說種種法有人得阿羅漢阿那含斯陀含須陀洹有種辟支佛善根有得無生法忍不退菩薩有得生

天人中受種種福樂以是故知是耆闍崛山福德吉處諸聖人喜住處佛爲諸聖人主是故佛多住耆闍崛山復次耆闍崛山是過去未來現在諸佛住處如富樓那經中說佛語富樓那若使三千大千世界劫燒若更生我常在此山中住一切衆生以結使纏縛不作見佛功德以是故不見我復次耆闍崛山清淨鮮潔處三世佛及諸菩薩更無是處是故多住耆闍崛山復次諸摩訶衍經多在耆闍崛山中說餘處說少何以故是中清淨有福德閑靜故一切三世諸佛行處十方諸菩薩亦讚歎恭敬此處諸天龍夜叉阿脩羅迦留羅乾闥婆甄陀羅摩曇羅伽等大力衆神守護供養恭敬是處如偈說

是耆闍崛山 諸佛所住處 聖人所止息
覆蔭一切故 衆苦得解脫 唯有真法存
復次是中十方無量智慧福德力大菩薩常來見釋迦牟尼佛禮拜恭敬聽法故佛說諸

摩訶衍經多在耆闍崛山諸摩訶衍經般若爲大云何不住耆闍崛山略說耆闍崛山竟大智度論釋初品中共摩訶比丘僧

經共摩訶比丘僧論共名一處一時一心一戒一見一道一解脫是名爲共摩訶比丘僧摩訶秦言大或多或少勝云何大一切衆中上

故一切障礙斷故天王等大人恭敬故是名爲大云何多數至五千故名爲多云何勝一切九十六種外道論議能破故名勝云何名比丘比丘名乞士清淨活命故名爲乞士如經中說舍利弗入城乞食得已向壁坐食得時有梵志女名淨目來見舍利弗問舍利弗

三

十

金

言沙門汝食耶答言食淨目言汝沙門下口食耶答言不仰口食耶不方口食耶不四維口食耶不淨目言食法有四種我問汝汝言不我不解汝當說舍利弗言有出家人合藥種穀植樹等不淨活命者是名下口食有出家人觀視星宿日月風雨雷電霹靂不淨活

命者是名仰口食有出家人曲媚豪勢通使四方巧言多求不淨活命者是名方口食有出家人學種種呪術卜等吉凶如是等種種不淨活命者是名四維口食婦我不墮是四不淨食中我用清淨乞食活命是時淨目聞說清淨法歡喜信解舍利弗因爲說法得須陀洹道如是清淨乞食活命故名乞士復次比名破丘名煩惱能破煩惱故名比丘復次出家人名比丘譬如胡漢羌虜各有名字復次受戒時自言我是某甲比丘盡形壽持戒故名比丘復次比名怖丘名能怖魔王及魔人民當出家剃頭著染衣受戒是時魔怖何以故怖魔王言是人必得入涅槃如佛說有人能剃頭著染衣一心受戒是人漸漸斷結離苦入涅槃云何名僧伽僧伽秦言衆多比丘一處和合是名僧伽譬如大樹叢聚是名爲林一一樹不名爲林除一一樹亦無林如是一比丘不名爲僧除一一比丘亦無僧諸比

三

十一

千

丘和合故僧名生是僧四種有着僧無羞僧
啞羊僧實僧云何名有着僧持戒不破身口
清淨能別好醜未得道是名有着僧云何名
無羞僧破戒身口不淨無惡不作是名無羞

僧云何名啞羊僧雖不破戒鈍根無慧不別
好醜不知輕重不知有罪無罪若有僧事二

人共諍不能斷決默然無言譬如今白羊乃至
人殺不能作聲是名啞羊僧云何名實僧若
學人若無學人住四果中行四向道是名實
僧是中二種僧可共百一羯磨說戒受歲種
種得作是中實聲聞僧六千五百菩薩僧二
種有着僧實僧聲聞一種謂實僧以是實僧故
餘皆得名僧以是故名僧

經大數五千分論云何名大數少過少減是
名爲大數云何名分多衆邊取一分是名分
是諸比丘千萬衆中取一分五千人以是故
名五千分

經皆是阿羅漢論云何名阿羅漢阿羅名賊

漢名破一切煩惱賊破是名阿羅漢復次阿
羅漢一切漏盡故應得一切世間諸天人供
養復次阿名不羅漢名生後世中更不生是
名阿羅漢

經諸漏已盡論三界中三種漏已盡無餘故
言漏盡也

經無復煩惱論一切結使流受扼縛蓋見纏
等斷除故名無煩惱也

經心得好解脫慧得好解脫論問曰何以說
心得好解脫慧得好解脫答曰外道離欲人
一處一道心得解脫非於一切障法得解脫
以是故阿羅漢名心得好解脫慧得好解脫

復次諸阿羅漢二道心得解脫見諦道思惟
道以是故名心得好解脫學人心雖得解脫
非好解脫何以故有殘結使故復次諸外道
等助道法不滿若行一功德若行二功德求
道不能得如人但布施求清淨如人祀天言
能脫憂衰能得常樂國中生亦更有言八清

淨道一自覺二聞三讀經四畏內苦五畏大衆生苦六畏人天苦七得好師八布施但說第八名清淨道復次有外道但布施持戒說清淨有但布施禪定說清淨有但布施求智慧說清淨如是等種種道不具足若無功德若少功德說清淨是人雖一處心得解脫不名

好解脫涅槃道不滿足故如偈說

無功德人不能渡 生老病死之大海

少功德人亦不渡 善行道法佛所說

是中應說須跋陀梵志經須跋陀梵志年百二十歲得五神通阿那跋達多池邊住夜夢

見一切人失眼螺形冥中立日墮地破大海

水竭大風起吹須彌山破散覺巴恐怖思惟

言何以故余我命欲盡若天地主欲墮猶豫

不能自了以有此惡夢故先世有善知識天

從上來下語須跋陀言汝莫恐怖有一切智

人名佛後夜半當入無餘涅槃是故汝夢不

爲汝身是時須跋陀明日到拘夷那竭國樹

林中見阿難經行語阿難言我聞汝師說新涅槃道今日夜半當取滅度我心有疑請欲見佛沫我所疑阿難答言汝尊身極汝若難問勞擾汝尊須跋陀如是重請至三阿難答如初佛遙聞之勑語阿難聽須跋陀梵志來前自在難問是吾末後共談最後得道弟子

聖三

十三

庚

是時須跋陀得前見佛問訊汝尊已於一面坐如是念諸外道輩捨恩愛財寶出家皆不得道獨瞿曇沙門得道如是念竟即問佛言是閻浮提地六師輩各自稱言我是 一切智人是語實不然時汝尊以偈答曰

我始年十九 出家學佛道 我出家已來

已過五十歲 淨戒禪智慧 外道無一分

少分尚無有何況一切智

若無八正道是中無第一果第二第三第四

果若有八正道是中有第一果第二第三第四果須跋陀是我法中有八正道是中有第一

道果第二第三第四道果餘外道法皆空無

道無果無沙門無婆羅門如是我大衆中實作師子吼須跋陀楚志聞是法得阿羅漢道思惟言我不應佛後般涅槃如是思惟竟在佛前結跏趺坐自以神力身中出火燒身而取滅度以是故佛言無功德少功德是助道法不滿皆不得度佛說一切功德具足故能度弟子譬如小藥師以一種藥二種藥不具足故不能差重病大藥師輩具足衆藥能差諸病問曰若一切三界煩惱離故心得解脫何以故佛言深愛離心得解脫答曰愛能繫閉心有大力以是故說不說餘煩惱愛斷餘則斷復次若人言王來知必有將從染愛亦如是又如提巾一頭餘則盡隨愛染亦如是愛斷則知餘煩惱皆已斷復次諸結使皆屬愛見屬愛煩惱覆心屬見煩惱覆慧如是愛離故屬愛結使亦離得心解脫如是無明離故屬見結使亦離得慧解脫復次是五千阿羅漢應不退法得無生智以是故言心得好解脫

慧得好解脫不退故退法阿羅漢得時解脫如劬提迦等雖得解脫非好解脫以退法故經其心調順論若有恭敬供養瞋恚罵詈搥打者心等無異若得珍寶瓦石視之一等若有持刀斫截手足有持栴檀塗身亦等無異復次婬欲瞋恚慢疑見根本已斷故是謂

卷三

古

庚

心調柔軟復次是諸阿羅漢欲染處不染應瞋處不瞋癡處不癡守護六情以是故名心調柔軟如偈說

人守護六情　如好馬善調　如是實智人
諸天所敬視

諸餘凡人輩不能守護六情欲瞋慢癡疑見

不斷故不調柔如惡弊馬以是故諸阿羅漢名心調順

經摩訶那伽論摩訶言大那名無。伽名罪阿羅漢諸煩惱斷以是故名大無罪復次那伽或名龍或名象是五千阿羅漢諸阿羅漢中最大力以是故言如龍如象水行中龍力大

陸行中象力大復次如善調象王能破大軍直入不迴不畏刀杖不難水火不走不退死至不避諸阿羅漢亦復如是修禪定智慧故能破魔軍及諸結使賊罵誓撻打不悔不恚老死水火不畏不難復次如大龍王從大海出起於大雲遍覆虛空放大電光明照天地

注大洪雨潤澤萬物諸阿羅漢亦復如是禪定智慧大海水中出起慈悲雲潤及可度現大光明種種變化說寶法相兩弟子心令生善根經所作已辨論問曰云何名所作云何名已辨答曰信戒定捨等諸善法得故名爲所作智慧精進解脫等諸善法得故是名已辨二

卷三
十五

名所作得共解脫故名已辨一切結使除故名所作得非時解脫故名已辨自益利竟故名所作利益他人故名已辨如是等所作已辨義自在說

經棄擔能擔論五衆鹿重常惱故名爲擔如佛所說何謂擔五衆是擔諸阿羅漢此擔已除以是故言棄擔能擔者是佛法中二種功德擔應擔一種自益利二種益利他一切諸漏盡不悔解脫等諸功德是名自利益信戒捨定慧等諸功德能與他人是名利益他人是諸阿羅漢自擔他擔能擔故名能擔復次譬如大牛壯力能勝重載此諸阿羅漢亦復

就故名所作修慧成就故名已辨種種三法亦如是復次燭法頂法忍法世間第一法得故名所作苦法忍等諸無漏善根得故名已辦見諦道得故名所作思惟道得故名已辦學道得故名所作無學道得故名已辦心解脫得故名所作慧解脫得故名已辦漏盡故

如是得無漏根力覺道能擔佛法大事擔以是故諸阿羅漢名能擔

總逮得己利論云何名己利云何非己利行諸善法是名己利諸餘非法是名非己利復次信戒捨定慧等諸功德一切財寶勝故今世後世常得樂故能到甘露城故三因緣故

是名己利如信品中偈說

若人得信慧 是寶最第一 諸餘世財利不及是法寶

復次若人今世得樂後世得樂及得涅槃常樂是名己利餘非己利如偈說

世知種種無道法 與諸禽獸等無異

當求正智要道法 得脫老死入涅槃

復次八正道及沙門果是名諸阿羅漢己利是五千阿羅漢得道及果二事俱得故名己利以是故言逮得己利

總盡諸有結論三種有欲有色有無色有云何欲有欲界繫業取因緣後世能生亦是業

報是名欲有色有無色有亦如是是名爲有結盡者結有九結愛結恚結慢結癡結疑結見結取結慳結嫉結是結使盡及有是有盡及結使以是故名有結盡問曰諸阿羅漢結使應求盡得一切煩惱離故有不應盡何以故阿羅漢未滅度時眼根等五陰十二入十八界諸有成就故答曰無所妨是果中說因如佛語檀越施食時與五事命色力樂膳食不能必與五事有人大得飲食而死有人得少許食而活食爲五事因是故佛言施食與五事如偈說

斷食死無疑 食者死未定 以是故佛說施食與五事

亦如人食百斤金不可食金是食因故言食金佛言女人爲戒垢女人非戒垢是戒垢因故言女人爲戒垢如人從高處墮未至地言此人死雖未死知必死故言此人死如是諸阿羅漢結故已盡知有必當盡故言有結

盡

○以正智得解脫論如摩捷提梵志弟子舉其尸著床上昇行城市中多人處唱言若有眼見摩捷提尸者是人皆得清淨道何況禮拜供養者多有人信其言諸比丘聞是語白佛言世尊是事云何佛說偈言

小人眼見求清淨 如是無智無寶道
諸結煩惱滿心中 云何眼見得淨道

若有眼見得清淨 何用智慧功德寶
眼見求淨無是事 智慧功德乃爲淨

以是故言正智得解脫問曰諸阿羅漢所作已辦更不求進何以故常在佛邊不餘處度衆生答曰一切十方衆生雖盡應供養佛阿羅漢受恩重故應倍供養所以者何是阿羅漢從佛得成受無量功德知結使斷信心轉多是故諸大德阿羅漢佛邊受功德樂味供養恭敬報佛恩故在佛邊住諸阿羅漢圍遠佛故佛德益尊如梵天人遶梵天王如三十

三天達釋提桓因如諸鬼神達毗沙門王如諸小王達轉輪聖王如病人病愈住大醫邊如是諸阿羅漢住在佛邊諸阿羅漢圍遠供養故佛德益尊問曰若諸阿羅漢所作已辦逮得已利不須聽法何以故說般若波羅蜜時共五千阿羅漢答曰諸阿羅漢雖所作已辦佛欲以甚深智慧法試如佛問舍利弗如波羅延經阿耆陀難中偈說種種諸學人 及諸數法人 是人所行法願爲如實說是中云何學人云何數法人爾時舍利弗默然如是三問三默佛示義端告舍利弗有生不舍利弗答大德有生有生者欲爲滅有爲生法故名學人以智慧得無生法故名數法人是經此中應廣說復次若有漏若無漏諸禪定未得故欲得已得欲令堅深故諸阿羅漢佛邊聽法復次現前樂故如難陀迦經中說以令出樂故聽法復次諸阿羅漢在佛邊聽

三
聖
經

法心無狀足如蠶盧提迦經中說舍利弗語
蠶盧提迦我法中聽法無狀復次如佛大師
自一心從弟子邊聽法不應難言阿羅漢所
作已辦何以聽法譬如飽滿人得好食猶尚
更食云何飢渴人而言不應食以是故諸阿
羅漢雖所作已辦常在佛邊聽法復次佛住

解脫法中諸阿羅漢亦住解脫法中住法相
應眷屬莊嚴如栴檀譬喻經中說有栴檀林
伊蘭園之有伊蘭林栴檀園之有栴檀栴檀
以爲叢林有伊蘭伊蘭自相圍遶佛諸阿羅
漢亦復如是佛住善法解脫中諸阿羅漢亦
住善法解脫中住法相應眷屬莊嚴佛以大衆
圍遶如須彌山王十寶山圍遶如白香象王
白香象圍遶如師子王師子衆圍遶佛亦如
是佛爲世間無上福田與諸弟子圍遶共住
經唯除阿難在學地得須陀洹論問曰何以
言唯除阿難答曰上所讚諸阿羅漢阿難不
在其數何以故以在學地未離欲故問曰大

德阿難第三師大衆法將種涅槃種已無量
劫常近佛持法藏大德利根何以至今未離
欲作學人答曰大德阿難本願如是我於多
聞衆中最第一亦以諸佛法阿羅漢所作已
辦不應作供給供養人以其於佛法中能辦
大事煩惱賊破共佛在解脫床上坐故復次
大智度論第十三十九

長老阿難種種諸經聽持誦利觀故智慧多
攝心少二功德等者可得漏盡道以是故長
老阿難是學人須陀洹復次貪供給出尊故
是阿難爲佛作供給人如是念若我早取漏
盡道便遠出尊不得作供給人以是故阿難
雖能得阿羅漢道自制不取復次處時人未
合故何等處能集法千阿羅漢未在耆闍崛
山是爲處世尊過去時未到長老婆耆子不
在以是故長老阿難漏不盡要在世尊過去
集法衆令婆耆子說法譏諫三事合故得漏
盡道復次大德阿難狀出法少不如餘人是
阿難世世王者種端正無比福德無量世尊

近親常侍從佛必有此念我佛近侍知法寶藏漏盡道法我不畏失以是事故不大慤勸盡漏問曰大德阿難名以何因緣是先世因緣是父母作字是依因緣立名答曰先世因緣亦父母作名亦依因緣立字問曰云何先世因緣答曰釋迦文佛先世作瓦師名大光明余

時有佛名釋迦文弟子名舍利弗目伽連阿難佛與弟子俱到瓦師舍一宿尔時瓦師布施草坐燈明石蜜漿三事供養佛及比丘僧便發願言我於當來老病死惱五惡之世作佛如今佛名釋迦文我弟子名字亦如今佛弟子以佛願故得字阿難復次阿難世出立願我在釋迦文佛弟子多聞衆中願最第一字阿難復次阿難世出忍辱除瞋以是因緣故生便端正父母以其端正見者皆歡喜故云何父母作字昔有日種王名師子賴其王有四子其第一名淨飯二名白飯三名斛飯

四名甘露飯有一女名甘露味淨飯王有一子悉達陀難陀白飯王有二子跋提沙斛飯王有二子提婆達多阿難甘露飯王有二子摩訶男阿泥盧豆甘露味女有一子名施婆羅是中悉達多菩薩漸漸長大棄轉輪聖王位夜半出家往溫樓禪羅國中尼連禪河邊六

三

二十

年苦行是時淨飯王愛念子故常遣使問訊欲知消息我子得道不若病若死使來白王菩薩唯有皮骨筋相連持身命甚微弱若今日若明日不復久也王聞其言甚大愁念沒憂惱海我子既不作轉輪王又不得作佛一何裹苦無所得而死如是憂惱荒迷憤塞是時菩薩棄苦行處食百味乳糜身體充滿於尼連禪水中洗浴已至菩提樹下坐金剛處而自誓言要不破此結跏趺坐成一切智不得一切智終不起也是時魔王將十八億衆到菩薩所敢與菩薩決其得失菩薩智慧力故大破魔軍魔不如而退自念菩薩叵勝當

惱其父至淨飯王所詭言汝子今日後夜已死了王聞此語驚怖墮床如熱沙中魚王哭而言

阿夷陀虛言 瑞應亦無驗 得利之吉名一切無所獲

是時菩提樹神大歡喜持天曼陀羅華至淨

飯王所說偈言

汝子已得道 魔衆已破散 光明如日出

普照十方土

歡喜得大利 解脫一切苦

今得轉法輪 無所不清淨

王言前有天來言汝子已死汝今來言壞魔得道二語相違誰可信者樹神又言實不妄

聖三

大一

復

語前天者詭言已死是魔懷嫉故來相惱今日諸天龍神華香供養空中懸繒汝子身出

光明遍照天地王聞其言於一切苦惱心得解脫王言我子雖捨轉輪聖王今得法轉輪王定得大利無所失也心大歡喜是時斛飯王家使來白淨飯王言貴弟生男王心歡喜

言今日大吉是歡喜日語來使言是兒當字爲阿難是爲父母作字云何依因緣立名阿難端正清淨如好明鏡老少好醜容貌顏狀皆於身中現其身明淨女人見之欲心即動是故佛聽阿難著覆肩衣是阿難能令他人見者心眼歡喜故名阿難於是造論者讚言面如淨滿月 眼若青蓮華 佛法大海水流入阿難心 能令人心眼 見者大歡喜諸來求見佛 通現不失宜
如是阿難雖能得阿羅漢道以供養佛故自不盡漏以此大功德故雖非無學在無學數中雖未離欲在離欲數中以是故數爲五千

以實未是阿羅漢故言唯除阿難

大智度論釋初品中三衆品

經復有五百比丘尼優婆塞優婆夷皆見聖諦者 問曰何以諸比丘五千餘三衆各五百答曰女人多短智慧煩惱垢重但求喜樂愛行多故少能斷結使得解脫證如佛說是因

緣起法第一甚深難得一切煩惱盡離欲得涅槃倍復難見以是故女人不能多得不如比丘優婆塞優婆夷有居家故心不淨不能盡漏正可得四聖諦作學人如偈說

孔雀雖有名嚴身不如鴻鴈能遠飛白衣雖有富貴力不如出家功德勝

以是故諸比丘尼雖出家棄世業智慧短是故有五百阿羅漢比丘尼白衣二衆居家事遠故得道者少亦各五百問曰如五千阿羅漢皆讀三衆何以不讚答曰大衆已讚則知餘亦

讚復次若別讚外道輩當訶言何以讚比丘尼生誹謗故若讚白衣當言爲供養故以是故不讚問曰諸餘摩訶衍經佛與大比丘衆俱或八千人或六萬十萬人俱是摩訶般若波羅蜜經諸經中第一大如囑累品中說餘經悉忘失其罪小小失般若波羅蜜一句其罪大多以是故知般若波羅蜜經第一大是第一經中當第一大會何以故聲聞衆數少

止有比丘五千比丘尼優婆塞優婆夷各五百答曰以是大經甚深難解故聲聞衆少譬如王有真寶不示凡人示大人信愛者如王謀議時與諸大臣信愛智人共論諸餘小臣則不得入復次是六千五百人盡得道雖不盡解甚深般若波羅蜜皆能信得無漏四信故餘經聲聞衆雖大多雜不盡得道復次是中先讚千萬阿羅漢中擇取最勝五千人比丘尼優婆塞優婆夷亦余勝者難得故不多

大智度論卷第三

三

聖三

踝胡反 跖瓦反 翳私反 嚥私反 簪必蒲反 扣苦候反 霽必我反 霽良峻反 勉一也 擊音揭 奮音奮 迅音迅 方
櫟嚴上郎反 婆敷下音敷 犁音犁 墓音墓 咸字去聲 没音沒
大智度論卷第三

繒疾陵遲其去反一音渠

廿二末

聖三

無餘故祕密中說諸菩薩得無生法忍煩惱已斷具六神通利益衆生以顯示法故前說阿羅漢後說菩薩復次菩薩以方便力現入五道受五欲引導衆生若在阿羅漢上諸天世人當生疑怪是故後說問曰在阿羅漢後可余何以反在優婆塞優婆夷後答曰四衆雖漏未盡盡在不火故通名聲聞衆若於四衆中間說菩薩者則不便如比丘尼得無量律儀故應次比丘後在沙彌前佛以儀法不便故在沙彌後此諸菩薩亦如是雖應在學人三衆上以不便故在後說復次有人言菩薩功德智慧超殊阿羅漢辟支佛是故別說問曰聲聞經中但說四衆此中何以別說菩薩衆答曰有二種道一聲聞道二菩提薩埵道比丘比丘尼優婆塞優婆夷若說四衆當知是求聲聞道者若別說菩薩摩訶薩衆當知是求佛道者以是故聲聞法中經初無佛中佛辟支佛阿羅漢皆是福田以其煩惱盡比丘尼比丘菩薩今何以先說比丘次三衆後說菩薩答曰菩薩雖應次佛以諸煩惱未盡故先說阿羅漢諸阿羅漢智慧雖少而已成熟諸菩薩智慧雖多而煩惱未盡是故先說阿羅漢佛法有二種一祕密二顯示顯示王桂